

瑜伽師地論卷第九十九

慶九

肅上之領反混雜上胡羈旅上正作
水反嚴敬之兒混雜本反羈旅羈同前
犯下弊匪上耻祭反窄堵上蘇沒反
必下芳尾反窄堵下音覩
瓦陵憲下莫結反簡靜上古矯詐上居
反技能上

瑜伽師地論卷第一百

廢十

沙門玄奘奉詔譯
彌勒菩薩說

攝事分中調伏事擇攝第五之二

復次依毗柰耶勤學苾芻於其五處應正遍知云何爲五一事遍知二罪遍知三補特伽羅遍知四引攝義利遍知五損惱遍知云何

積砂大藏經

瑜伽師地論

事遍知謂蘊等五事如聲聞地已說云何罪
遍知謂依毗柰耶勤學苾芻由五種相遍知
所犯一者遍知犯罪因緣二者遍知犯罪等
起三者遍知所犯罪事四者遍知犯罪因緣者謂或
五者遍知犯罪究竟竟遍知犯罪因緣毀犯衆罪遍知
貪因緣或瞋因緣或癡因緣毀犯衆罪遍知
犯罪等起者謂或有罪由身等起非語非心
或復有罪由語等起非身非心或復有罪由
心等起非身非語或復有罪由身由心等起
非語或復有罪由語由心等起非身或復有
罪由身由語等起非心或復有罪由身由語
由心等起無獨由心所犯衆罪應從他處發
露悔除唯當懇誠深自防護如有苾芻發起
種種欲等不善尋思遍知所犯罪事者
謂犯罪事略有二種一者有情數事二者無
情數事遍知犯罪加行者謂所犯罪有二加
行一非所應作事業加行二是所應作事業
加行遍知犯罪究竟者謂於是處施設方便

即於是處而得究竟非於中間有其退轉以是緣故所犯圓滿諸集鹿罪彼勝衆餘方便中犯墮惡作於彼方便及自聚中而得究竟於墮惡作四種罪聚名有餘罪彼勝罪聚名無餘罪若所犯罪由有智故名不積集或復從他而顯發故亦不積集與此相違非不積集若所犯罪已從於他如法發露方便悔除名已顯說與此相違名未顯說若所犯罪權持當悔名有期願與此相違名無期願若所犯罪諸佛世尊於別解脫毗柰耶中建立爲犯名有制立與此相違名無制立若所犯罪或約一類補特伽羅或復約時而不決定先無差別揔相制立當知此罪名爲等運與此相違名非等運云何補特伽羅遍知謂由五相應知差別一由行差別故二由衆差別故三由增減差別故四由證得差別故五由觀察差別故由行差別者謂能遍知由貪等行有差別故彼有差別

要十

二
行

如聲聞地應知其相由衆差別者謂能遍知由苾芻苾芻尼等七衆別故彼有差別由增減差別者謂如一類補特伽羅或貴族出家或富族出家或顏容端正其餘一類則不如是復有一類補特伽羅多聞博識語具圓滿大智大福於淨尸羅堅猛防護少有所犯多生惡作於犯於出能善了知其餘一類則不如是若能遍知如是等事當知說名遍知增減有差別故彼有差別由證得差別者謂能遍知從隨信行俱分解脫以爲後邊七種差別預流果向乃至最後阿羅漢果八種差別諸如是等補特伽羅差別分別如聲聞地已辯其相由觀察差別者謂能舉罪補特伽羅應善觀察所舉罪者然後應舉爲作憶念謂觀所舉補特伽羅爲於我邊有愛敬不廣說如經應知其相其所發舉補特伽羅亦應善察能舉罪者爲是愚夫顛狂癡騃非法舉罪欲於我所當作損害廣說如經應知其相爲

是智者非狂非駛所有白品廣說如經應知
其相又於堪舉補特伽羅應正觀察為開舉
不如是觀察補特伽羅所有差別應知說名
補特伽羅遍知云何引攝義利遍知謂能遍
知略有三種引攝義利何等為三一引攝自
身利養義利二引攝他身出罪義利三引攝

慶十

三

僧伽擯斥犯戒安樂義利引攝自身利養義

利者謂若諸利養體是清淨是名真實若諸
利養體是清淨而堪要用非無所用徒多貯
畜凡百資緣如是名為能引義利若諸利養
不過於時堪住受用是名應時若諸利養其
餘苾芻亦現引攝是名有伴即此有伴非引

破僧名離破僧若所引攝利養義利具此五
支安住正念以無染心應當受用如是引攝
利養義利名為無罪引攝他身出罪義利者
謂若所犯罪彼實現行是名真實若復自知
我能令彼出不善處安置善處如是名為能
引義利若他說法敬事尊長恭承病等正加

行時無容舉罪是名應時若舉憶罪諸餘苾
芻共為助伴是名有伴非此因緣能引破僧
如是名為第五清淨若所引攝出罪義利具
此五支安住正念無染汙心如慈善友以柔
軟言應引攝他出罪義利如引攝他出罪義
利引攝僧伽擯斥犯戒安樂義利當知亦爾
而差別者若因擯斥其被擯者不與能擯命
為障礙或不因此壞僧居園亦不因此損壞
制多及不擯餘同梵行者如是名為能引義
利與此相違應知說名引無義利云何損惱
遍知謂有五種現法損惱凡夫所趣愚癡所
趣智者所離雖實非狂如狂所作乃至唯有
虛誑誓留都無增長所有義利云何為五謂
有一類傷悼死亡以無量門而自煎迫傷淪
喪者是名第一現法損惱凡夫所趣乃至廣
說復有一類幸有所餘易活方便而於衢路
大市鄽間分解肢節疑命殆盡邪若逼已以
自存活是名第二現法損惱凡夫所趣乃至

廣說復有一類爲性慳貪慳垢所蔽幸有種
種養命資緣而大艱辛以自存活是名第三
現法損惱凡夫所趣乃至廣說云何慳垢謂
八慳垢一者宿習慳貪不串惠施慳垢二者
現法上品顧戀身命慳垢三者於同分支共
住隨轉諸有情所不串習悲悲心微劣慳垢
麥十
四者見田寡德毀犯正行慳垢五者於諸財
物起難得想慳垢六者三時憂悔慳垢七者
於諸財寶唯見功德不見過患慳垢八者邪
施迴向慳垢當知是名八種慳垢復有一類
愛樂天趣求欲生天不如實知生天道路斷
食投火墜高巖等自加逼害是名第四現法
損惱凡夫所趣乃至廣說復有一類愛樂清
淨不如實知清淨道路謂加苦法而得清淨
以無量門自爲逼害是名第五現法損惱凡
夫所趣乃至廣說如是五種現法逼惱依毗
柰耶勤學苾芻當正遍知應速遠離
復次依毗柰耶勤學苾芻成就五法未生信

者令其生信已生信者令倍增長云何爲五
一尸羅圓滿二正見圓滿三軌則圓滿四淨
命圓滿五遠離展轉闡諱圓滿尸羅圓滿略有
十種如聲聞地已辯其相謂初善受持不
太沉聚不太浮散乃至廣說正見圓滿略有
五種一者增益薩迦耶見及邊執見已永斷
故二者損減機無邪見已永斷故三者取見
謂諸見取及戒禁取已永斷故四者委計吉
祥處見已永斷故五者委計非有爲有有爲
非有諸顛倒見已永斷故軌則圓滿亦有五
種謂或依時務應所作事或依善品應所作
事或依威儀應所作事隨順世間及毗柰耶
麥十
所有軌則廣說應知如聲聞地淨命圓滿亦
有五種謂能遠離矯詐等五起邪命法如聲
聞地應知其相遠離展轉闡諱圓滿略有六
種謂離六種闡諱根故此中六種闡諱根者
謂忿恨等廣說如經又依六處應知建立六
闡諱根云何六處一者不饒益相二者樂隱

已過嬌慢執持三者利養恭敬欲愛現行四
者毀犯增上戒行五者毀犯增上心行六者
毀犯增上慧行應知依第一處建立第一闡
諍根本乃至依第六處建立第六闡諍根本
謂有一類補特伽羅衆所識知廣從他處多
獲利養由是因緣有所毀犯於所犯罪樂欲
隱藏不欲令他知已所犯有諸苾芻既了知
已對一對二或對衆多舉其犯事彼由此故
一向憂感燒惱身心又由嬌慢所執持故多
生熟惱勿彼復對他衆人前咎責於我如是
被人先隱所犯說名爲覆又復發起嬌慢煩
惱此二合名樂隱已過嬌慢執持由是建立

闡諍根本復有苾芻恭敬利養欲愛現行見
有他人多饒財寶衆所知識具大福祐則便
親附殷重承事非愛非敬亦非樂法專爲利
養恭敬因緣如是思惟攝取質直忍辱柔和
爲依止師我於其處隨意自在彼於我所多
有施爲而我於彼都無所作如是思惟攝取

捷慧愛樂修福同梵行者以爲助伴所有僧
事及其餘事皆令彼作我獨蕭然自得而住
如是或有毀犯禁戒同梵行者正詰問時便
不分明假託餘事而有所說如是名爲行矯
僞行誑詭處所由此因緣起諸闡諍餘隨所
應當知其相與是相違有五種法令未信者
轉增不信今已信者尋還變革

復次依毗柰耶勤學苾芻成就五力於一切
種等意正行所有加行云何五力一加行力
二意樂力三開曉力四正智力五質直力若
有樂學一切身分於諸學中正善修學又於
所學最極恭敬爲自調伏爲般涅槃如是當

知名加行力若有所犯由意樂故速還出離
如是當知名意樂力若於學處時時請問持
三藏者所有自愛諸善男子應所修學亦能
慶十開示如是當知名開曉力從他聞已若於其
中是真是實無倒攝受若於其中僞毗柰耶
像似正法諸惡言說違背法性如實了知雖

不至彼躬申請問所未開曉而多聞故於佛世尊所不遮止亦不開許能自思惟於沙門性是能隨順是能違逆既了知已如其所應能正修行能正遠離如是當知名正智力若信解力離諸誑詭無有少分詣妄分別非於少分所開許中增益多分而起現行非於多分所開許中損減少分而起現行其所現行不增不減如是最初自生欣慶後令自他安樂而住修行正行非眩惑他如是當知名質直力

復次依毗柰耶所學加行應知有五補特伽羅品類差別謂有一類補特伽羅於善說法毗柰耶中依出家法始將發趣雖欲發趣仍未出家便生煩惱邪欲尋求以是緣故遂不出家復有一類既出家已煩惱熾盛故思犯罪由是因緣多諸憂悔便生煩惱熾邪欲尋求復有一類既出家已於出家法不生喜樂於捨所學將欲發趣及於出家發生憂悔而作

是念非我好作所謂出家彼由二緣發生煩惱邪欲尋求復有一類既出家已命難因緣不起故思違越所學乃至盡命愛樂出家勤修梵行彼非二緣發生煩惱邪欲尋求如是四種補特伽羅是異生類復有一類謂諸有學未得解脫即此為依於後第一心慧解脫通達昇進如實了知是名第五補特伽羅即此第五望前第四諸異生類由調善可愛有學解脫於後解脫通達昇進而有差別即此當知已見諦迹此中前三補特伽羅如其所應於發趣所生憂悔所生及俱所生所有煩惱邪欲尋求應正除遣於上解脫應正了知第四唯於後上解脫應正了知若能如是一切當得平等平等復次於三學中當知略有三種邪行謂有一類補特伽羅先求涅槃而樂出家出家已後為天妙欲愛味所漂所受持戒迴向善趣唯護尸羅便生喜足是名外結補特伽羅於增上戒第一邪行復有一類

補特伽羅不唯護戒便生喜足而能趣證上
諸世間隨一靜定即於此定深生味染不進
上求聖諦現觀是名內結補特伽羅於增上
心第二邪行復有一類補特伽羅是其有學
已見諦迹由住放逸於現法中不般涅槃當
知是名於增上慧第三邪行如是略引隨順
比論境智相應調伏宗要摩呾理迦其餘一
切隨此方隅皆當覺了

攝事分中本母事序辯攝

如是已說毗柰耶事摩呾理迦云何名爲摩
呾理迦事謂若素摩呾理迦若毗柰耶
摩呾理迦標略名一摩呾理迦雖更無別摩
呾理迦然爲略攝流轉還滅雜染清淨雜說
法故我今復說分別法相摩呾理迦溫陀南曰
要由餘釋餘 非即此釋此 於前略序事
自後當廣辯

若有諸法應爲他說要以餘門先標舉復
以餘門後別解釋若如是者名順正理非即

卷十

八

此門先標舉還以此門後別解釋如先標
舉云何有爲後別解釋言所謂五蘊若如是者
名順正理非先標舉云何有爲後別解釋言所
謂有爲如是一切應隨覺了略由二相應知
建立分別法相摩呾理迦 一者先略序事二
者即依如是所略序事後當廣辯云何名爲
先略序事謂略序流轉雜染品事及以還滅
清淨品事云何流轉雜染品事謂六識身自
性所依所緣助伴事若蘊界處事若諸緣起
處非處事若三受事若三世事若四緣事若
諸業事若煩惱事若三界事謂欲界等若十
有事謂欲有色有無色有那落迦有傍生有
鬼有天有人有業有中有由別離欲善趣惡
趣招引起趣向有差別故若十一識住事謂四
識住與七識住總合說故若九有情居事如
經廣說若五趣事若四生事若四入胎事若
四得自體事若四食事若四言說事若四法
受事若四顛倒事若苦諦事若集諦事若是

等類名爲略序流轉雜染品事云何還滅淨品事謂滅諦事若道諦事若三摩地事若諸智事若此所引諸功德事若七正法事若七正作意觀察事若三十七菩提分法事若四行迹事若四法迹事若奢摩他毗鉢舍那事若四修定事若三福業事若三學事若四沙門果事若四證淨事若四聖種事若三乘事若四問記事如是等類名爲略序還滅清淨品事如是等事廣辯建立隨其所應如前所說彼彼地中及諸攝分應知其相又一切事以要言之總有五事一者心事二者心所有法事三者色事四者心不相應行事五者無爲事云何即依如是所略序事後當廣辯謂略由四相廣辯彼事何等爲四一異門差別故二體相差別故三釋詞差別故四品類差別故異門體相釋詞差別如攝釋分應知其相品類差別復有八種一建立有非有異非異性差別二建立界差別三建立時分差

別四建立方所差別五建立相續差別六建立分位差別七建立品分差別八建立道理差別由如是等八種差別於一切事品類差別應隨覽了云何建立有非有異非異性差別謂若略說有三種有一者實有二者假有三者勝義有云何實有謂諸詮表法有名可得有事可得此名於事無礙而轉非或時轉或時不轉當知是名略說實有如於色等諸法聚中建立墉室車林草木衣食等想此想唯於此聚隨轉於餘退還色等諸想於一切處皆悉隨轉是故此想所詮實有當知餘想所詮假有又此假有略有六種一聚集假有二因假有三果假有四所行假有五分位假有六觀待假有聚集假有者謂爲隨順世間言說易解了故於五蘊等總相建立我及有情補特伽羅衆生等想此想唯能顯了此聚是故說名聚集假有因假有者謂未來世可生法行由未生故雖非實有而有其因當可

生故名因假有果假有者所謂擇滅是道果
故不可說無然非實有唯約已斷一切煩惱
於當來世畢竟不生而假立故所行假有者
謂過去世已滅諸行唯作現前念所行境是
故說名所行假有已謝滅故而非實有分位
假有者謂生等諸心不相應行如前意地已

慶十

十

標辯釋即於諸行由依前後有及非有同類
異類相續分位假立生等非此生等離諸行外
有真實體而別可得觀待假有者諸虛空非
擇滅等虛空無爲待諸色趣而假建立若於
是處色趣非有假說虛空非離色無所顯法
外別有虛空實體可得非無所顯得名實有
觀待諸行不俱生起於未來世不生法中立
非擇滅無生所顯假說爲有非無生所顯可
說爲實有云何勝義有謂於其中一切名言
一切施設皆悉永斷離諸戲論離諸分別善
權方便說爲法性真如實際空無我等如菩
薩地真實義品第四所知障淨智所行真實

應知其相與上相違當知非有又由四種別
無別故應知建立異不異性一由所因別無
別故二由所依別無別故三由作用別無別
故四由時分別無別故若所因等諸法異相
差別可得此異於餘若無異相差別可得此
前及後與現無異時分別者謂一切行唯刹
那住即此自體還望自體說爲不異過刹那
後說名爲異由彼爲種而此得生說爲所因
若由眼等及大種等爲依而轉說名所依若
一切行別別功能說名作用如是名爲建立
第一有非有異非異性品類差別云何建立
界地差別謂欲色無色三界差別言欲界者

慶十

十一

謂下從無間上超他化至魔羅宮其中諸行
皆因欲界煩惱所生於其三世與彼煩惱爲
所依止彼品麁重之所隨縛爲彼所繫又欲
界中一切煩惱全未離欲非定地攝色無色
如前應知言色界者謂四靜慮并靜慮中間

有十七地無色界者謂空處等四無色地云何建立時分差別謂於過去世有無間已滅有隣近已滅有久遠已滅於未來世有無間將生有隣近當生有久遠當生於現在世有剎那現在有衆同分現在有相續未滅現在云何建立方所差別謂有色諸法據處所故得有遠近方所差別無色諸法由無色故無據處所若依色法而得生起即於其處說有方所此由轉相故非據處所故有色諸法具由二種云何建立相續差別當知相續略有四種自他根境有差別故立四相續一自身相續二他身相續三諸根相續四境界相續二是假建立二是真實義云何建立分位差別謂若分位樂分位不苦不樂分位即是能順三受諸法云何建立品分差別當知建立所治能治二品差別謂染不染法下劣勝妙法麤細法執受非執受法有色無色法有見無見法有對無對法有爲無爲法有漏無漏

法有諍無諍法有愛味無愛味法依耽嗜僥
出離法出間出世間法墮攝非墮攝法當知此中由五因緣建立染法一者於三受中如其所應爲雜染故二者能遍攝受諸煩惱品麤重性故三者能遍攝受現法當來非受果故四者能遍連結生相續故五者能遍障礙一切善法及於所知障智生故由是因緣各爲染法與是相違應當了知不染法相此不染法略有二種謂善無記由臭爛不淨及煩惱不淨故名不淨由於此中諸所有受皆悉是苦故名爲苦由無常性故名不堅若由如是勝義_{道理性}是不淨性是其苦性是不堅其性鄙穢名爲下劣超過於此應知勝妙又_{麥十}
_{十二}其性鄙穢名爲下劣超過於此應知勝妙又相待故下劣勝妙二相差別謂待色界欲界是劣待無色界色界是劣若待涅槃三界皆是劣待無色界色界是劣若待涅槃三界皆別故勢用差別故應知建立色趣麤細更等品類有差別故應知建立無色諸法所有麤

細又有色法無色法由世俗勝義諦理易了難了故應知鹿細二種差別微謂極微聚著謂所餘聚淨謂中有上地色聚穢謂餘有下地色聚言勢用者謂若是處有地大等勢用增強雖與餘聚其物量等而能勝餘鹿顯可得喪等品類有差別者謂樂等諸受信等諸法有喪中上品類差別執受法者謂諸色法爲心心之所執持由託彼故心心所轉安危事同同安危者由心心所任持力故其色不斷不壞不爛即由如是所執受色或時衰損或時攝益其心心所示隨損益與此相違名非執受言有色者謂能據方所言無色者謂不據方所此約所緣領納流轉施設建立言有見者謂若諸色堪爲眼識及所依等亦在此彼明了現前與此相違名爲無見言有對者謂若諸色能礙他見礙他往來與此相違名爲無對言有爲者謂有生滅繫屬因緣與此相違應知無爲言有漏者謂若諸法諸

慶十

漏所生諸漏鹿重之所隨縛諸漏相應諸漏所緣能生諸漏於去來今爲漏依止與此相違應知無漏能與當來生等衆苦爲生因故於現法中有罪性故名爲有諱與此相違名爲無諱內門自體愛染隨故名有愛味與此相違名無愛味外門境界愛著隨故名依耽嗜與此相違名依出離若法有漏有諱有愛味依耽嗜如是一切名爲世間若能治此依世俗諦所起俗智及所引法亦名世間與此相違名出世間若諸世間名墮攝法隨有情器欲色無色世間攝故若出世間非墮攝法不墮前說世間攝故云何建立道理差別謂四道理一相待道理二證成道理三作用道理四法爾道理如是道理差別分別如聲聞地應知其相如是八種品類差別及前所說異門體相釋詞差別應知如前廣略所序一切事中能正廣辯無過此辯復次溫陀南曰

初聚相攝等 其次成就等 自性等因等

後廣說地等

有九法聚攝 一切法何等爲九一善法聚二不善法聚三無記法聚四見所斷法聚五修所斷法聚六無斷法聚七邪性定法聚八正性定法聚九不定法聚善等法聚廣如意地已辯其相見所斷法聚者謂一切見若依見等貪瞋癡慢若惡趣業若於諸諦猶豫疑等修所斷法聚者謂餘一切所應斷法無斷法聚者謂無漏法邪性定法聚者謂無間業及斷善根正性定法聚者謂學無學所有諸法不定法聚者謂餘非學非無學法應知此中所有諸法自性相攝他性相應或有一類補特伽羅成就善法及無記法非不善法謂諸聖者已離欲貪及此異生除種子法或有一類補特伽羅成就不善及無記法非諸善法謂斷善根補特伽羅除種子法無有成就善不善法非無記法或唯不善或唯無記而可

慶十

十四

得者又於此中應知諸法如其所應若得若捨謂有一類由受所受故或捨所受故或邪推求故或正推求故或轉形故或法爾故或離欲故或加行故或退失故或得果故或死生故而有得捨如別解脫律儀等法由受彼故得由捨彼故捨若諸善法由邪推求故捨由正推求故得由轉形故捨茲芻尼律儀或茲芻尼律儀隨得其一二形生故一切永捨由法爾故世間壞時能入法爾所得靜慮由離欲故能得上地所有善法由加行故能發依彼所引功德令現在前由退失故還得先時諸下劣法由得果故捨諸世法得出世法及後明淨世間善法由死生故若生下時獲於生得善及不善無記法諸法若生上時唯得善法及無記法諸有所捨如其所應亦隨覺了無有相違諸心心所而共相應及與相攝即此剎那行還與此剎那又無一切生死諸行可求斷法又無諸行先未曾生歎然今起又

一切行皆刹那生生刹那後必無停住諸行
一生一住一滅又一切法一一自性無有第
二自性可得文定無有同類二法一時相應
即由第二自性無故又非一法有乖異相二
種作用又一切行依於他轉而不自依又非
自性與自性俱亦不隨轉又非即此一刹那

慶十

十五

心與此刹那心爲所緣又非即此刹那自性
與此刹那自性爲因亦非後生爲前生因亦
非同類爲異類因如不善望善善望不善而
作無記異熟果因廣說地等溫陀南曰
初諸地諸依 次諦智加行 三摩地根道
對治行修習 有漏無漏法 諸果諸因緣

立補特伽羅

後遍知究竟

有九種地何等爲九一資糧地二方便地三
觀行地四見地五修地六有學地七無學地
八聖者地九異生地先應積集出世資糧次
爲盡漏勤修方便次修隨順波擇分時正觀
諸諦次能證入正性離生次後漸證四沙門
世間道二出世道三加行道四無間道五解

果此中前三是有學地其第四果是無學地
證離生已一切世間漸昇進道名爲修地即
摠攝見學無學地名聖者地此餘一切名異
生地謂若未修加行若已修加行若已離欲
一切異生復有九依能盡諸漏何等爲九謂
未至定若初靜慮靜慮中間餘三靜慮及三
無色除第一有復有四聖諦能爲盡淨惑所
復有十智能覺一切所知境界謂法智類智
若世俗智若他心智若苦等智盡無生智此
廣分別如聲聞地又瑜伽師有五加行一爲
欲證入正性離生二爲得上果三爲進離欲
四爲欲轉根五爲引功德復有瑜伽三三摩
地一空三摩地二無願三摩地三無相三摩
地復有三種一切行向住果者根一未知欲
知根是行預流果向者根二已知根是預流
果已上乃至行阿羅漢果向者根三具知根
是住阿羅漢果者根復有九道云何爲九一

脫道六勝進道七下品道八中品道九上品
道世間道者謂由此故能證世間諸煩惱斷
或不證斷能往善趣或往惡趣出世道者謂
由此故能證究竟諸煩惱斷加行道者謂爲
斷惑勤修加行無間道者謂正斷惑解脫道
者謂斷無間心得解脫勝進道者謂從此後
十六

發勝加行下品道者謂能對治上品煩惱中
品道者謂能對治中品煩惱上品道者謂能
對治下品煩惱復有四種對治一狀壞對治
二斷滅對治三住持對治四遠分對治復有
十六行相謂觀諸諦爲無常等如前已辯復
有八種修習如是對治如是行相如是修習
如前定地及聲聞地應觀其相復有二品攝
一切法一有漏法二無漏法此二如前應知
已辯復有五果一異熟果二等流果三離繫
果四士用果五增上果復有十因一隨說因
二觀待因三牽引因四攝受因五生起因六
引發因七定異因八同事因九相違因十不

相違因復有四緣一因緣二等無間緣三所
緣緣四增上緣如是一切果因及緣如菩薩
地等已辯其相復有七種補特伽羅謂隨信
行等復有六種阿羅漢謂退法等復有八種
補特伽羅謂行四向及住四果建立應知如
聲聞地復有六種遍智一者不定地有漏諦
遍智二者定地有漏諦遍智三者無漏無爲
諦遍智四者無漏有爲諦遍智五者順下分
結遍智六者順上分結遍智復有二種究竟
一者智究竟二者斷究竟智究竟者謂盡無
生智自斯已後爲斷煩惱無復應知斷究竟
者謂遍究竟諸煩惱斷由彼斷故圓滿究竟
十七末

證心解脫及慧解脫如是略引隨順此論境
智相應摩呬理迦所有宗要其餘一切隨此
方隅皆當覺了遍行一切摩呬理迦如攝釋
分應知其相如來法教數無限量何能窮到
無邊彼岸隨此方隅隨此引發隨此義趣諸
聰慧者於餘一切應正尋思應正覺了

瑜伽師地論卷第一百

癡駛下語解反擯斥下音制多舊云支提此可供養處悼音市鄴連反殆盡上音蔽必舊云可供養處祭捷才待上音變革下音

隔眩惑上音詮反全墉室容

顯揚聖教論卷第一

尺一

論一部總二十卷乃是
瑜伽師地論之概要也

御製

大唐三藏聖教序

蓋聞二儀有像顯覆載以含生四時無形潛
寒暑以化物是以窺天鑑地庸愚皆識其端

斯秀

明陰洞陽賢哲罕窮其數然而天地苞乎陰
陽而曷識者以其有像也陰陽處乎天地而
難窮者以其無形也故知像顯可徵雖愚不
惑形潛莫覩在智猶迷況乎佛道崇虛乘幽
控寂弘濟万品典御十方舉威靈而無上抑
神力而無下大之則弥於宇宙細之則攝於
毫釐無滅無生歷千劫而不古若隱若顯運
百福而長今妙道深玄遠之莫知其際法流
湛寂挹之莫測其源故知蠹蟲凡愚區區庸
鄙投其旨趣能無疑惑者哉然則大教之興
基乎西土騰漢庭而皎夢照東域而流慈普
者分形分跡之時言未馳而成化當常現常